

TENTH SITTING ON FRIDAY MARCH 31, 2000.

PRESENT

PU R. LALAWIA, Speaker at the Chair, Chief Minister, 14 Ministers and 24 Members were present.

QUESTIONS

1. Questions entered in separate list to be asked and oral answers given.

PRIVATE MEMBERS' BUSINESS

2. Resolutions. "Government of India leh Government of Mizoram in 8th April, 1999 a Memorandum of Understanding (M.O.U) an ziak (Signed) hi Mizote tan phurrit leh ram hmasawna kewng daltu, thangthar leh tuna lehkha thiam hna zawng mek mi sing tam tak tan harsatna thlen ngei ngei tur anih avangin thiat (Cancell) thuai ni rawh se"

S P E A K E R : Tin, engtikah pawh hnam emaw ram emaw chung chang thuah, ka siam ang a, ka din ang, tiin lo sawi pawh ni ila, ka tawng ka chhuak ngaithla lova ka mithmuha thil thalo a tih chuan a tana thil tha tih ka tum chu ka lam let bawng.

(Jeremia 18:9-10).

Question kan la nghal ang a. Starred Question No.122na zawt turin Col.Lalchungnunga kan sawm ang a. Helai zawhna hi kan en chiang deuh a, Question 123na nen hian club theih mai niin ka hria, a tum a hi a thuhmun vek mai a, a chhangtu hi pakhat a ni bawng si a. Tihianin zawt ve ve ta sela, a chhangtu hian chhang kawp nghal ta sela, a remchang mai lo maw ? A in ang deuh vek tlat a ni. kan remti tlang maw ? Anih tunah chuan Col.Lalchungnungaa Sailo leh Pu J.Lalthangliana zawhna a ni a, 122na hi Col.Lalchungnunga han zawt sela, 123na hi Pu P.B.Rosangan a zawt dawn nia. Tunah Col. Lalchungnunga'n han zawt teh phawt se.

Col.Lalchungnunga : Pu Speaker, ka lawm e. Ka Starred Question 122na R.D. Minister zahawm tak chhan atan.